



ՀԱՂՈՐԴԱԳՐՈՒԹՅՈՒՆ

Վեհափառ Հայրապետի հրավերով հուլիսի 7—12-ը Մայր Աթոռիս հյուր եղան արաքական երկրներից բարձրաստիճան կրոնապետներ ու հասարակական գործիչներ, որոնք մասնակցել էին հուլիսի 1—4-ը Ջազդրսկում կայացած ՍՍՀՄ քրիստոնեական եկեղեցիների և մահմեդական, հրեական ու բուդդայական կրոնական կազմակերպությունների համագումարին, որպես հյուրեր:

Մայր Աթոռիս հյուրերն էին.

Ալժիրից՝ կրոնից նախարար և պատվիրակության ղեկավար, Նորին Գերազանցություն Լարբի Սաադունին, մուսուլմանների գերագույն հոգևոր պետ Ծելյա Օթելլին, կրոնից նախարարության բարձրաստիճան պաշտոնյաներ՝ տիարք Բու Աբդելեյ Մահդին և Աբդուլ Մեջիդը:

Անտիոքից՝ օրթոդոքս եկեղեցու պատվիրակությունը, հանձինս Տիրի և Սիդոնի միտրոպոլիտ, Նորին Գերաշնորհություն Պավել Խուրիի, Հավրանի և Մոնտիարաբի (Սիրիա) միտրոպոլիտ, Նորին Գերաշնորհություն Բաաիլիոս Սամախայի և հոգեշնորհ Ռոմանոս վարդապետ Ժահարի (Տրիպոլի):

Լիբանանից՝ իսլամ գերագույն օրենսդիր խորհրդի անդամ և պատվիրակության ղեկավար, մեծահարգ տիար Մուսթաֆա Մանսուրը, իսլամ գերագույն օրենսդիր խորհրդի անդամ տիար Ուաֆիկ Հյ-Կասսարը և արաքական «Ալ-Շաաք» թերթի գլխավոր խմբագիր տիար Ամին Դուդանը:

Սիրիայից՝ իսլամ գերագույն կրոնապետ Ծելյա Ահմեդ Քաֆթարուն իր շքավանքով:

Հյուրերին ողնկցում էին Միջին Ասիայի մահմեդականների կրոնական գերագույն վարչության անդամներ պրն. պրն. Ամին Ահմեդշինը, Յուսուֆ Շաքիրովը և Ուամանջան Ռահիմջանովը:

Բարձրաստիճան հյուրերը այցելեցին ս. Էջմիածնի Մայր տաճարը, ս. Հռիփսիմեի, ս. Գալանեի վանքերը, Ջվարթնոցի ավերակները, Գառնի, Գեղարդ, Սևան, ս. Մեսրոպ Մաշտոցի անվան Մատենադարանը, Հայաստանի ժողովրդական տնտեսության ցուցահանդեսը, դիտեցին Մեծ եղեռնի

հուշարձանը և ներկա եղան Վեհարանի դահլիճում իրենց պատվին կազմակերպված հայկական հոգևոր և ժողովրդական երաժշտության համերգին:

Նորին Սրբությունը հուլիսի 9-ին, ի պատիվ հյուրերի, սվեց պաշտոնական ճաշկերույթ, որին ներկա եղան նաև հայ եկեղեցու գործերի խորհրդի նախագահ մեծահարգ տիար Կ. Դավաթյանը, Գերագույն հոգևոր խորհրդի անդամները և էջմիածնի միաբանները:

Հինգշաբթի, հուլիսի 10-ի առավոտյան, բարձրաստիճան հյուրերը, Նորին Սրբություն Վազգեն Ա Հայրապետի գլխավորությամբ, բարեկամական այցելություն տվեցին Հայկական ՍՍՀ Գերագույն սովետի նախագահության նախագահի տեղակալ, Նորին Գերագանցություն Հովհաննես Բաղդասարյանին: Փոխ-նախագահը ջերմորեն ողջունեց հյուրերին և հաջողություն մաղթեց կրոնական կազմակերպություններին, աշխարհի խաղաղության և ժողովուրդների բարեկամության համար նրանց տարած շնորհակալ աշխատանքին: Ծնորհակալության ջերմ խոսքերով հանդես եկան Նորին Գերաշնորհություն միտրոպոլիտ Պավել Խուրին և Ալթիրի կրոնից մինիստր պրն. Լարբի Սաադունին:

Հրաժեշտ առնելով Վեհափառ Հայրապետից, ուրբաթ, հուլիսի 11-ին, Անտիոքի պատվիրակությունը մեկնեց Օդեսա—Կիև, իսկ շաբաթ, հուլիսի 12-ի երեկոյան, մյուս պատվիրակությունները մեկնեցին Տաշքենդ:

ԴԻՎԱՆ ՄԱՅՐ ԱԹՈՐԻ

16 հուլիս 1969 թ.,

Ս. Էջմիածին

